

x

24.

SERENISSIMO PRINCIPI
LUDOVICO-AUGUSTO BORBONIO,
Cenomanorum Duci, Dombarum Principi, Eugarum Co-
miti, Albamalæ Duci, Helvetiorum Rhetorumque & Rei
Tormentariæ Præfecto, Occitaniz Præregi,

DEDICAT ACTUS MODERATOR.

QUÆSTIO MEDICA,
QUODLIBETARIIS DISPUTATIONIBUS
manè discutienda in Scholis Medicorum, die Jovis
31 Decembris 1722.

M. ANDREA-JOSEPHO SERON

DOCTORE MEDICO PRÆSIDE.

An alimentorum coctio à fermentatione

I.

QUÆCUNQUE existunt, condidit summus Protoplastes; alia perfectâ fruuntur
quiete, ad motum componuntur alia: hæc vitâ gaudent, illa privantur: omnia
alterius vicibus sibi succedunt: ex mutuâ destructione, sit mutua productio, nova ge-
neratio, Equabili vicissitudine, perennatur rerum ordo. Absconditum Naturæ arca-
num, Si quid percipi potest, à posteriori percipitur. Ambientium corporum fabricam,
texturam, compositionem perpende; quibus producuntur, foveantur, nutriuntur, abo-
lescent rationes indigita, causas sîmare, quem igitur non movebit admiratio? Multo
excellenter homo, attentione multo dignior. Omnium quæ Naturæ lege & imperio
continentur princeps solus; ipsius usus, voluptati ipsius creata quæquæ, tradita; hujus
machina tam indultriè instructa, tam affabrè efficta; tot viciis chordisve hæc & illac
sursum & deorsum trahentibus contextitur, trochleis movetur; tot liquoribus diversæ
craeos anthliarum ope per vasa multiplicia pulsus, repulsus perpetim irrotatur; auto-
matæ & hydrolycæ insitât pluribus actionibus edendis, motibus exercendis, im-
pressionibus suscipiendis parem esse ratio demonstrat; docet experientia, Minima in
homine, Creatoris potentiam & magnitudinem nunciant. Nullibi mensuræ, dimen-
siones, proportionibus, concentus accuratius servantur; obmutescit ars & quam longè
distat à recto, evincit humani corporis inspectio. Plures ipsi demandantur Provincie,
peculiaribus omnes vacante munis; spiritus suppeditat cerebrum; sanguinem, ad om-
nes corporis partes, distribuit cor, pulmonibus aër educitur; vicissimque emittitur;
alimentorum coctioni confert ventriculus: actionum licet non nobilior, inter præci-
piuas tamen censetur; læsa enim brevi læduntur cætera; abolitâ diu subsistere nequeunt.

Nec porro secreta cibo natura animantium

Propagare genus possit vitamque tueri.

Circa alimentorum coctionem variè senserunt Medicinæ Scriptores; ab elixatione Ari-
stoteles, extractione Bohnius, putrefactione Lysler & Teophrastus oriti putarunt; Fa-
cultatem coctricem Avicenna, Constantinus aser, Iazar, Riverius celebrantur. Calor ven-
triculi juxta Bartholomæi perdulcis, calor natus è corde ad ventriculum delatus juxta
Gaspas, Hofmanni, calor natus insitus & influens cum facultate naturali juxta Jacob.
Primerossii mentem coctionis sunt opifices, Chylificam facultatem quæ calore perficitur,
ventriculo tribuit Joannes Riolanus, Ptoprio ingenitoque calore & spiritu si ferne-
lio, spiritibus mechanicis si Severino, sulfure si Paracello fides, coquantur cibi. Fer-
mentationem triumviratam exsuscitatam, enutritamque pro digestionis causâ agnoscit
Sylvius, Acidum fermentorum & aër qui inspiratur & expiratur per ventriculi men-
A

branas Bontekoe, acidas reliquias prioris cibatus & fermentum quoddam aere & dissolvens per arterias effusum, salivam & pituitam acidam ventriculi Glissonii, acidum Th. Willis, Tachenius & Overcamp; acidum à liene mutatum, fermentationem ab humore Wirungiano inductam Daniel horstius, fermentum Borellus coctioni vacare commemorant, Tritu solo alimenta ex Pirkarnio subiguntur; trerunt simul & spiritui ascritio irradianitur ex Erasistrato; ex Jo. Gorhofred. Bergero ventriculi motu minuuntur ac limphâ & perspiratione interiori diluuntur; ex Boerthavio pinfuntur & fermentescunt. Tres alimentorum coctioni officinae, os nempe, ventriculus & intestina. Os binis datum maxillis, dentibus defenditur; interiori membrana obvolutum, pluribus excretoriis perfoditur tubulis, ductus salivialis superior à parotidibus, à maxillariibus inferior, scaturientem fundunt salivam; canaliculi tenuissimi labiales, buccales, palatinas, uvulares exonerant glandulas; tonsillae sive amigdalae in oris fundo aperiuntur, Communi tecta involucre volvit lingua cibos, nec paucum ex glandulis in superiori, posteriori & laterali parte ad magnitudinem lentis nonnunquam effurgentibus lymphaticum eructat humorem; ministrant sanguinem carotides, reducem suscipiunt jugulares, nervos sufficiunt gustatorium & nonum par Ab imis faucibus ad ventriculum vehit cibos, canalis membranaceus oesophagus, quintuplici textus tunica, huic excretorii ductus orti ex glandulis gastricis, dorsalibus, bronchialibus & thyroideâ inhiant, à carotidibus, aortâ, intercostalibus & coeliacâ mutuatur arterias, venas à jugularibus, azigos & coronariâ ventriculi, nervos à pari vago. Utriculi luforii figuram referens oesophago subjicitur ventriculus, duobus aperitur orificiis, quadruplici conflatur tunica, membranâ ejus fibrae transversim excurrunt, musculosa in quâ fibratum ordo duplex, exterior à superiori parte ad inferiorem descendit; interior cujus fibrae partim in superiore ventriculi parte inter utrumque orificium; partim à sinistro latere ad dextrum oblique excurrunt. Nervea rugas efficiens parvis ornatum glandulis, villosa, tenuis, porosa praecedenti cohaeret. arteriis à coeliacâ oriundis, venis vero gastricis ad venam portam tendentibus perluitur. vasa quoque brevia habet ad ramum splenicum abeuntia, venâ quoque cingitur coronariâ: par vagum sensus efformat organum: continuitatè quâdam tum ratione substantiae tum operis subternuntur intestina numero sex, tenuia tria, duodenum sequentibus jeuno, ileo, texturâ densius, crassa tria caecum, colon, rectum, quinque componuntur tunicis, membranaceâ sive communi à peritoneo, cellulosa Ruyfchii, musculosa ex duplici fibrae una longitudinalium & annularium serie necitur; nervea vasculis & glandulis copiosis donata, rugis valvulicis amplior cæteris; villosa fines excretorios & lacteorum vasorum principia sustineus; uberrima habent vasa, arterias mesaraicas, venas ejusdem nominis; miliares & solitariae passim ubique disseminantur glandulae; ductus in duodeno explicantur duo, hepaticus & pancreaticus; ab intestinis chylum primi generis lactearum oscula sugunt; motum & sensum communicant vagum par & intercostale. Pro locorum diversitate quibus ingesta comminantur alimenta, preparationes totidem excipiunt, primum quidem in ore contrita, saliva facilius imbibuntur, in ventriculum dein protrusa stomachali humore altius imbibuntur, in duodenum denique convector, miscelâ bilis succique pancreatici, quæ humoris digestivi actionem elusere, subiguntur, quæ verò jam soluta, perficiuntur; fermentatione, mixtorum principia ita à se invicem sejungi necesseum, ut liberae partes elementares seu essentielles, novum à priori dispar, efforment mixtum, chylumque referant.

I I.

FACTIS & observationibus nata Medicina; rationibus experientiâ fultis auctor facta; systematibus per temporum intervalla obruta adeo ut vix verum à falso secerneretur: paulatim collabescet si fingendi pruriens perstet desiderium, Ea mentis humanæ corruptela, vanitas: nihil boni proferre nostri ævi auctores autumarent, ni peculiari & effecto potius systemate communes de rebus medicis ideas everterent: nec illud virium quamvis nunc in terris potissimum vigeat. de novo irrepfit. Circa alimentorum coctionem tractandam quam suscepimus, quot exitere opiniones? Nonnullæ jam recensitæ. An à solidis pendeat digestio, quorundam assertum; an partim à fluidis, partim à solidis, aliorum problema: an à liquidis mediante fermentatione apud nos demonstratio, Prior ruit opinio; quis ex integrantium partium divisione solâ, attritione, novum exurgere mixtum asserat? Unde vires, unde potentia ad illud absolvendum

opus? Motus in corpore placidissimi, vehementes nimium & turbulenti quos requirit tritus, animal, oeconomia prius infens: pacata ciborum coctio; lacta, à chemicis fermentationibus, longè dissimili, solvuntur. Arti planè ignotas sectatur vias, Natura; in operando simplex: absque necessitate entia non ideò multiplicanda. Tumin ventriculo secreta, tum aliundè huc derivata ad alimentorum metamorphosim sufficient liquida: inutilis solidorum contractio: nullum proinde mucum tritus & fermentationis commercium. Rem paulò plenius ponderemus. Duplici partium genere, solidis variè consistentiæ, fluidis quoquè diversæ crassæ, humanum textitur corpus, continuus partium iacturas, continuo refarciri, eger; hinc assumendorum alimentorum necessitas. Alimenta vel ventriculo teruntur duntaxat, & dividuntur; vel remoto tritus apparatu solvuntur & aliam a priore discrepantem induunt indolem: si prius, mixta ex partibus aequalibus & homogeneis constantur, nec differunt partium figurâ, ordine, mole, odore, sapore: si posterius, inæqualibus heterogeneisque constant, & inter se nonimodè discrepant. Quis tanta componere dissidia sibi consider, Hen felices nimium! Si dissidentes animos, uno eodemque opinionum gyro & experientia & ratio subiceret. Homogeneam corporum naturam volunt fermentationis otores; esto: procul heterogenearum aggreges; at postulaus paulisper attendant. Undenam mixta diversas qualitates nanciscuntur, cum adsit Anaxagoræ *homomeria*? Undenam in eorum naturali resolutione, nimirum putrefactione, alia aliis copiosiora, præbent principia. Iisdem componi debent corpora principiis, in quæ solvuntur, diversâ produnt, non igitur homogenea eorum textura; ex partibus verò elementaribus, primigeniis seu essentialibus composita: idem in fructibus totam magnitudinem adeptis patet; primum acescunt, dein acres & acerbi, adveniente ulteriori elaboratione maturalescunt, dotes sibi proprias offendunt; non tritu, immoto vestituri involucri, non tritu, interius constant villis ad morum imparatis, intestinâ sanè principiorum evolutione & blandâ agitatione. Hæc te non tangunt, essentialium evolutionem partium adhuc respicis; panificium adverte; ni admoveatur fermentum, non molendulis nec aquâ efformatur. Homogeneitatis nondum oblitus, urgesne insuper? Cur velim ignis totâ tuam eandemque mutationem non suscipiunt mixta? Idem enim ab eodem semper paritur. Cur analysi chymicâ, evincitur contrarium? Cur in diversas substantias abeunt corpora? Illæ substantiæ seorsim sumptæ, mixtum à quo deciduè idem referuntur? Nemo mixtorum compagis adè rudis, ut talia asserat. Non integrantes impugnatus partes quatenus mixtum jam enatum componunt, sed quoad primam formationem & ultimam resolutionem. Aliter sentienti, quavis corpora ex solis integrantibus partibus erumpi, videresitur; quo pacto chylus ex alimentis, ex chylo sanguis, succus nutritivus ex sanguine confecti alimentorum substantiam amularentur. O præclare excogitatum! Equus sceno nutritus, iuxta hanc hypothesein non equus, sed scenum; quid absurdius dici aut excogitari potest: evolendum illud Naturæ abditum opus, ne, qui alios errore delusos arguimus, virum idem in nos verratur: sanguis equi sceno nutriti cucurbitæ imponatur, imponatur scenum, separatim distilletur utrumque, diversa educuntur principia; hæc in sanguine abundant, defunt illa in sceno. Liqueantur metalla, reviviscunt. Solvuntur scenum, chylus, sanguis, nunquam reviviscunt; principia, variis mixtis componendis idonea suppeditabunt. Maxima est ignis vis, perperam obijcies, ipsius variant effectus prout intenditur, supposititii sunt ignis fœtus; non inexpugnabile sub-jacit repagulum: in ventriculo non adulterinus fœcus; blandus calor à partibus adjacentibus fovetur, & interventu liquoris gastrici resolvuntur alimenta, sensibiles deponunt qualitates, nisi dysperi cibi, aut eventantur digestiones. Solutæ & secretæ elementares seu essentielles partes non tumultuariè & confusim sanguini permiscuntur; novo pacto fecedere, in substantiam uniformem & albidam convertuntur, integrantes chyli partes constituunt. Nullæ supersunt confectâ digestionem integrantes ciborum partes, clamant tritus defensores, nulla idcirco nutritio: erigant animos, timoremque deponant. Decidua corporum partes sunt integrantes, debent resciri à partibus integrantibus, non quidem ciborum, destructæ fuerunt; harum vices gerunt integrantes lymphæ partes. Mixta ex integrantibus & essentialibus constare, maneat inconcussum. Ex essentialibus primò formantur, in essentielles ulrimò resolvuntur. Partium essentialium quâdam modificatione aut iis quodam ordine concinnatis certa denominatio, peculiaries dotes. Partium integrantium attritione, comminutione & divisione non nova mixta, mixti

tantum tenuissima fragmenta; odor, sapor, color nec aliæ sensibiles immutantur qualitates; in eodem statu perseverant alimenta quantumvis terantur; ni eorum principia semoyercentur & educerentur, nunquam expectata alimentorum coctio pergeretur.

III.

NON inanis alimentorum coctionis inquisitio; in usum medicum plurimum cedit; depravata, frequentiores oriuntur morbi. Utilliter indagatum, si ut ex partibus essentialibus mixta componuntur, sic in eadem: resolvi, curiose fuisse investigatum, necnon alimentorum coctionem absque earundem partium evolutione nullatenus perfici, pateret. In medium chymica operationes prolata; absit, ut eadem ratione consequi digestionem autememus. Intra terræ viscera metalla, fossilia nullo chymicæ auxilio, nullo tritus adminiculo generantur; quantacunque sit artis industria, quantus sit labor, quanta sint impensa, nihil unquam tam perfectum adumbrari poterit. Fermenta nimium sunt activa, aiant nonnulli, nos terret eorum multiplicitas: heu! sibi caveant, quam subtilibus nituntur ratiunculis, res cortice tenuis capiunt, dum vitant scyllam in earybdim ineluctabiliter incidunt: cogunt naturam; invitam votis propitiam fingunt. Nihil ad coctionem præter tuncularia, mœletrinas, potentiâs terentes immensas. Maximum corporis prelum nominant ventriculû, solo ipsius tunicarum impetu compactas & duriores ciborum massas in partes ultimæ compositionis abeunt; hujus musculi vima diaphragmate & musculis epigastriis adaugeri volunt. Immenfam ventriculi contractivam vim sumptâ à cordis contractione analogiâ expendunt: ad millenas plures libras contrahatur, oportet cor, ut in expellendo sanguine intra suos thalamos contento superare possit resistentiam arteriarum & sanguinis incumbentis: quantum à vero ablundunt, dijudica: admittit cor determinatam sanguinis quantitatem, cui expellendæ ipsius insumuntur vires, nullus obex à sanguine in artetias exsiente, nullus ab arteriis superandis cordi affertur. Ex parte sanguinis, in arterias ab ipsismet arteriarum contractionibus detrusus sanguis, propellitur, hujus pondus superatur. Ex parte arteriarum, proportionè ad diametrum sanguinem accipiunt, nec mutuatiis à corde viribus egent, maxime contractilibus donantur membranis: quantum sanguinis unâ contractione trudent arteriæ, tantum in dilatatione à corde sese contrahente admittunt. Aliundè definitur vis ventriculi à proportionè ponderis musculi flexoris ultimi pollicis articuli: at in hoc erravit virium æstimator 1^o. enim initus calculus ponderis ventriculi minime respondit. 2^o. Ad debitam rationem deductus nimium excederet necessariam terendis alimentis vim. 3^o. Tantus contractionis nifus ventriculi repugnat texturæ admodum debili. 4^o. Tanta vis in contractionè dari solummodo potest musculis qui punctis fixis in hærent. 5^o. Demum concessa parùm proficeret. Alimentorum divisionem in partes integrantes efformando chylo inceptam rejicimus; hanc sufficientem & naturæ legibus conformem benignè supponamus. Immenfa sit vis commolentis ventriculi & auxiliarium musculorum, magno impetu ponderosæ mœletrinarum molæ circumagantur: fragilia frumenti grana in pollinem non admodum subtile confunduntur. Lentis & tanacibus orbis frequentius vescimur, validiori nifu opus erit, ut in fluxilem liquidamque materiem facessant. Eliduntur molæ, eliduntur pistilli, ferrum, marmor levi corporum absumuntur fricatu. Tenuissimæ ventriculi tunicæ; summa compressorum ciborum resistentia: solus non distrahitur ventriculus, non discinditur. Vix ad calculum contracti ventriculi robur vocari potest; securi tamen plures per annos in ventriculi cavitate hospitantur vermes: intacti per solidum diem urgentur fructus horæ: deglutitur ovum recens, multo post evomitur integrum. Elapsis quadraginta horis hostiato pane involuti per alvum vorati ejiciuntur pulpæ cassiæ boli. Quo evanescit tantopere decantata comprimentis ventriculi energia, extollatur ejus potentia, plurimi fiat, per nos licet; undenam mutetur: examini subjiçendum. Maxima vis sese contrahentis ventriculi, tunice ad mutuum contactum perveniunt; quis hæc accidere sibi suadeat; ac 1^o. ventriculi tunicas ad mutuum contactum non venire ex sequentibus depreme; barbyrum pastorium æmulans, ex fibris sphaeroidæis, aut elliptico sphaeroidæis contextitur ventriculus; in totali contractione fibræ ab omnibus circumferentiæ punctis versus centrum æqualiter tendunt & accedunt; figuram retinent circulaarem, nullus proinde contactus; regulare polygonum exprimunt, cujus angulis contentæ materiæ premuntur. 2^o. Maximam sese contrahentis ventriculi vim affirmes; brevi immineatur: summa vis fibrarum simul contractarum compressionis rationem habebit (quân-

tuncque contractio peragatur) quam habet unus polygoni angulus ad alterum ejusdem polygoni angulum. Contractivis compressivæ comparentur vires, hæc parvæ, illæ immensæ. Ad plures millenas libras contrahatur ventriculus, contrahantur diaphragma auxiliareque musculi, eaturè distinguenda agendi ratio; directâ, maxima erit pressio; lætæ hî, minima. Ventriculus & musculi auxiliares laterali tantum actione premunt; pressio- nis nîsus levissimus futurus. Potentiarum momenta mutari ex mutata actione, neminem fugit. Musculorum in ventriculum agentium infirmatur vis, si alternatim & reciproca- tione premant illud viscus; multo magis infirmabitur, si nullo premant modo. Inter respirandum epigastricos musculos, dum relaxatur diaphragma, contrahi, constat; vi- cissim diaphragma. Hinc ventriculum alternatim solum pressu jure concludendum: at ne- quaquam à prædictis musculis constringitur, laxati enim diaphragmatis viam expirationis tempore sequitur, vacuum replet locum, iter quoque relegit cum contrahitur dia- phragma. Datâ & restitutâ contractione nondum dirineretur omnis difficultas: ventri- culus summè contractus, figuram ex superius allatis servat sphericam, satis grande spa- tium relinquît vacuum, quomodo tamen deglutitum alimenti frutillum tereceret; intra breve tempus solvi, edocuit vivorum canum sectio; plicarum ope dicebat? Debilissimæ illæ plicæ & discrepant à folliculis membranceis tertii ruminantium ventriculi, leviorum cedunt obstaculo & oblescent: discriminato distant intervallo, accessumque fugiunt. Peculiari structurâ, ventriculi ad triturationem comparati dari sunt, quæ homini, pisci- bus & carnivoris animalibus deficit; robustis quatuor exterius cinguntur musculis, du- ro & veluti cartilagineo intus obducuntur involuero, angustiam denique habent cavi- tatem granivororum avium ventriculi: tanto consilicris & providæ naturæ artificio esca fortiter constringitur, conelusorum ciborum duritie & asperitate nulla lasio; in- ter adversos parietes intercepta cibaria tenuissimè conteruntur. Verum etiamsi alimen- ta granivororum avium terantur ventriculo, nullam peragi fermentationem non inde elicias; quæ prius trita in ventriculo liquore fermentativo imbuta & emollita in intestinis duodeno potissimum longissimo cui inferitur canale biliarium, solvantur & fermentan- tur. Contractione totali & simultaneâ cibaria in homine subigi, nequeunt; contractio partialis & successiva à fortiori pro nihilo reputanda: quod eym potentia major non exequitur, haud attingit minor. Alimenta ventriculi motu peristaltico agitentur, si lu- bet, nunquam prementur, succutiat ventriculus, à diaphragmate & musculis epigastricis hac & illac ultro citroque pellatur, non magis constringentur cibi, nec integrantes necin essentielles divellentur partes. I V.

VASORUM milleni anfractus & mæandri, cordis systoles & diastoles alterni motus, reciproce arteriarum oscillationes, repetitæ musculorum contractiones sanguinem terendo illum perscitant, ut scripsimus in nostrâ cerebri pathologica dissertatione, *en omni delirio & sopori vena seclitio*; ne tamen à sanguine omnem ablega fermentationem. Alluen- tia corpus fluida tritu dividuntur; motu intestino elaborantur. Quantumcumque divisio- nem vasorum pressuris consequantur fluida, per canales minutissimos volvantur, nulla unquam substantialis immutatio; scaturientes à sanguine humores recrementitii ut sali- va, bilis, succus pancreaticus, lymphæ, sapore, odore, colore ab eo differunt, discre- pant quoque excrementitii sudor nempe, urina &c. quin immò illi ultimi humores pro variâ chyli & sanguinis constitutione variam induunt indolem. An quassata vulgaris aqua à pristina substantiâ recedit? An fluminis aqua per obliqua & declivia decurrens, torrefacta in scopulis allidens à nativis qualitatibus defæscens subit mutationem? Non ex solâ chyli divisione sanguis, non solo sanguinis attritu diversi proficiscuntur liquo- res, ex mutua verò principiorum actione; pereuntibus singulorum qualitatibus, toto genere variè emanant liquotes. Apertus cordis & arteriarum motus: se propriis viribus contrahentis ventriculi inconspicuis, à vicinis partibus fermè nullus, nec illa gratis dicta sunt. Si motu manifeste gaudeat, saltem inter vomendum. Contrarium experi- mento successit: exhibitio cani sublimato corrosivo, plurimum evomuit; prope lineam albam lateraliter aperto abdomine, immissa interiùs manus, ventriculoque apposita, epi- gastrici is musculis vehementer comprimebatur & diaphragmate veliciter propulsabatur, nullum contractionis signum præbuit ventriculus, immotus percipiebatur. Quod spectat motum à partibus vicinis mutuatum levis est adeo, modò sit status naturalis, nec adint nausæ, vomitiones, singultus, ut miscendis & evolutandis cibis pum sufficiat, viz audeam asserere, motu communi vchi & revechi diceres: harum rerum licet magistra ex-

perientia & inspectio; nostrarum opinionum non tenaces; vermiculare ventriculo & intestinis motum ad contentorum emissionem non negamus. Nobis veritati unica fludentibus, ventriculum inter coquendum nullum semine excipere motum detexisse sat, sat quoque perspectum habuisse motum (ea conditione quod adsit) ventriculo à partibus finitimis inditum, cibis conterendis non esse accommodatum. Apoge immānis ventriculi contractio; ab asperitate aut alihis duriorum alimentorum ventriculi membranæ, in æterna præcipue diacerarentur. Solidissima, dentibus inæqualiter terita, & in acumen desinentia ossa, voraciter deglutiunt canes, quorum ventriculi exilissimis nectuntur staminibus; absque molestiâ brevi digeruntur. Exenteratis lucii in eorum ventriculo semicocti conspiciuntur lucii, intactos affirmares, levi manus attacku in pulsamē abierunt inficias utilitatem, nec solum cibis irrorandis procreatos inducas; ea ratione plus nocerent quàm proficerent, tritui utpotè minus parata evaderent nonnulla ex alimentis. Suas dotes habet saliva, quamvis odoris & saporis nullius, omnia solventis indicia præbet; conqussata tenaciter spumescit, vestium maculas abstergit, farinam, panem ipsam aquâ communi multo citius fermentat; vulnera consolidat; ulcera detergit & mundificat; liquorem saturninum cui jungitur præcipitem agit; præcipiat quoque mercurii sublimatum corrosivum sub formâ pulveris albicans: à solis alkalibus similes producuntur effectus; hinc in salivâ plurima delitescere alkalia liquet: Microscopio oblongæ & ramosæ observantur particule limpido innatantes liquori, quas in aquâ communi non inspicias, viscidiorē salivæ partem haud dubiè constituunt: destillatione suppeditat 10. liquores varios aqueo-falinos, qui tincturæ florum malvæ affusi, virorem communicant, præcipitant sublimatum corrosivum & spiritum nitri fermentant. 20. Sulfuris sive olei crassi, feridi alkalibusque saturati guttas plures subministrat. 30. Ex crassamento calcinatione & elixatione aliquantulum salis fixi educitur. 40. Paucissima terræ damnatæ quantitas est residua. Virutem alkalinam iisdem experimentis quibus saliva exploratur, manifestius declarat bilis: sufficiente quantitate non colligitur humor stomachalis, ut ejus natura probeatur; remota arte, ob usus asinitatem, ab indole salivæ discedere non videtur. Brunneo inspidus vel ad summum subsalsus, Graafio & Chylio acidus, vel acido austerus deprehensus est Pancreaticus succus: exilientes illi humores orientur ne Minime quidem: mutuam sibi conferunt symbolam, susceptum absolvent coctionis opus. Abscessorum in ore & salivâ saturatorum ciborum intima, occurso fluidi stomachalis, penetrantia aperiuntur. Alimentorum salia & carceribus libera cum menstruorum salibus aptam ineunt luctam; amica dissidia juvant blandus incumbentium viscerum calor: pacato motu intestino, primâ peractâ coctione, coloris grisei & saporis ad acidum vergentis, veluti pulacea massa manet: ea præparatio *χρησις*. Nova in intestinis bella parant bilis & succus pancreaticus; ne minimis parcunt moleculis, ultimam alimentorum divisionem seu *χλυσιν* aggrediuntur; hac postremâ elaboratione finguntur albidus, dulcis, fluxilis, chylaceus liquor. Ea est digestivorum fermentorum energia ut quæsitā alimenta in ipsismet alimentis non inveniantur. Nonne tutior hic opelandi modus? Nonne intentionis naturæ magis congruit. Qualiscunque sit contractio ventriculi dum vehemens irruentibus cibis absumeretur, attereretur, disrumperetur. Quâ arte deglutiâ acu, quæ pluribus elapsis mensibus ad posteriorem dorsi partem viam sibi facit, non offenditur ventriculus? Quâ arte vorata frumenti spica, rupto in regione umbilicali abcessu intemerata extrahitur. Quantâ vi in alimenta ageret ventriculus, tantâ vi resiliendo alimenta ventriculum impeterent; juxta illud inconcussa veritatis axioma, qualis actio, talis reactio. Fermenta, retorquebis, mollem laxamque ventriculi & intestinorum compagem corrodent & dissolvent: liquantur alimenta, solvuntur, quo jure fruitur ventriculus? Ad ventriculum divertuntur fermenta & coacervantur; cur sensibile detrimentum non patitur? Quid non exeditur? Nec imbelli quam in tuâ hypothese caruim sensu præditum aut expertum tanquam fulcimentum proderes, nitimur rationculâ; duplici sub respectu considerandus ventriculus; aut alimentis refertur, aut exiit; pro vario statu, varii fermentorum effectus, nulla persentitur irritatio, nullus sollicitat famis sensus. Absoluto coctionis opere cibariis vacat ventriculus; ipsius fundo æstima salivæ copia depluit; pura & sincera ventriculi parietes non molestat, verum

gratum famis sensum acuit. Si acrior, prope medela; mucosa & viscosa lymphæ tunc-
mento præest, obtunduntur nociva salia. Jejunio diutius protracto, acrimoniam sæpè
sæpius contrahit saliva in ventriculum prius delata, mucum obvestientem excubantem-
que vincit, dira torquet fames, integram solutionem prælagire persequitur. Ex irrita-
tionibus quid exitiale pertimescendum, ex iisdem irritationibus salutiferi stimulantur
humoris proventus, uberrimi salivæ rivuli affatim fluunt; minus quidem elaborata, sed
dilutor solvit salia & obtundit. Salia ex vulgari præfatio non agunt non soluta sic &
nimis soluta. Proximum erat ventriculi exitum, nunc ab omni labe immunis.

V.

PRÆSENTIS valetudinis conservatio, absents restauratio, Medici munus: unus-
quisque tamen quæ facile concoqui expertus, accuratè seligens valetudini consulere
poterit, tutius consulat quantum ferat alimentorum ventriculus, quidque recuset ex-
pendens; eorum sola in partes integrantes divisio, digestionis perficiendæ inutilis, nec
à ventriculo suscipitur; stante enim majori fibrarum elasticitate, haud felicius coctio:
febre laborantibus spasmove correptis ægerime digeruntur cibi, nec desiderantur mo-
menta quibus solutio in essentielles partes peragatur. Ea vulgò expectantur. 10. Ut mate-
ria fermentationis dicata salinas partes in sinu suo includat. 20. Ut salinæ menstruorum
partes eterogeneæ sint & ideo à salibus materiæ solvendæ discedentes indole. 30. Ut ne-
cessariâ liqui litate polleant menstrua, sicque ipsius sales materiæ, proximè fermentandæ
viscera exactius lultrent, & nexus disjungant omnes; iis rationibus salii fixo tartaria-
fusus fermentescit spiritus nitri: illas omnes conditiones, quidquid in contrarium ob-
gannas complectitur alimentorum solutio. Salium existentiam in alimentis quis abnuet?
Quis, salivali, stomachali, bilioso, pancreatico humori, mentrui dotes recuset? Is
sane experientia recalcitraret. Quibus viis farinæ & multi fermentatio dignoscitur,
iisdem auguratur alimentorum coctio. Farina, adjecto fermento, assurgit & intumescit,
rarefit verò mustum & ebullit; ex iis derivatus panis aut eductum vinum saporem
& qualitates à præfatis abludentes nanciscuntur; destillatione demum principia sufficit dis-
crepantia. Post ingestos cibos intumescit quoque ventriculus & rarefcere suspicantur ali-
menta, hinc dimanans chylus nativas qualitates exiit, & igni suppositus aut non longè
absumit lac principia educuntur à prioribus disparia. Humores digestivi alkalia fun-
dunt, acida condunt cibi, hæc detexerunt qui tum prædictorum humorum tum alimen-
torum naturam peculiari studio indigunt; sibi semper constare tentata licet fideliter
experientia non audent temerariò affirmare, salia saltem in alimentis & in liquoribus
digestivis delitescere comprobatur; quid amplius optes? Digestivis fluidis latet acidi-
um simul & alkali, menti nihil absurdum offertur; nonnullis quadrat experimentis
optimèque consentit cum alimentorum naturâ quæ modò alkalino, modò falso-acri,
modò acido referta sunt. Ejusmodi menstruum pro rei exigentiâ acidis spiculis aut al-
kalinis cibos impetit, solvit in partes essentielles, nec ventriculum molestat. Propria
fermentorum natura, propria quoque fermenti digestivi indoles; hæc solvunt quædam
mixta, hæc & alia. Spiritus nitri testudinis conchas indurecat, ac carnes resolvit, diges-
tus vero & cum millepedibus stillatus carnes non attingit, corallo non indulget: aqua
regalis totam actionem in aurum, nullam in argentum edit. Ex partium mole, figurâ,
pondere, compositione effectus multiplices. Præscribuntur fines quos ultra tran-
gredi vetitum; his limitibus coarctantur fermenta, poterunt itaque alimenta fospite
ventriculo solvi. Præsentiam humoris stomachalis in dubium revocas? De fermenta-
tione detrahas quantum volueris, non multum triturationi addas: haud desides in ven-
triculo sparsim disseminatæ glandulæ; levi apparatu in statu sano, in morbofo, cadave-
rum hydropæ ventriculi aut vomitu continuo ex obstructione pylori extinctorum sectio-
ne, nullo præparationum adminiculo conspicitur: quâ proportionem decrefcunt salivales
glandulæ, proportionem eadem & diametro stomachi glandulæ ampliatur: & vice versâ
uterque humor unius deficientis fungitur munere. Fermentatione sui juris facta alimen-
torum principia liquorem chylum nempe subdulcem elaborant, in quo cuncta sic ordine
digesta ut nullam labem partibus solidis intentent, nullam inflammabilitatem adipiscitur
chylus & in hoc perfectior; nec id ipsi singulare tributum, multas numerare in-
flammabilitatis expertes fermentationes. Ex miscellâ spiritus nitri cum sale tartari, as-
fusione aquarum stygiarum in metalla, nulli spiritus ardentes, attamen fermentescunt.
Quæ ventriculo ab alimentis rumefactis, non arteriis nec venis à motu sanguinis intersti-

no contingit; numerosa inde lethalia morborum caterva proficisceretur; fermentationi cuiusque non necessaria expansio, aquæ affusus vitrioli oleum, calorem citò mutatur, fermentat, nec effervescit. Repugnat tibi motus quo continuò vibrantur arteriæ; non sufflaminat fermentationem, sed summi numinis mirandâ providentiâ eam moderatur. Etsi enim animantium tubulosâ machinulâ, hinc sequitur ne tantâ esse vasorum constrictionem & pressionem ut per eam solam sanguis & decidua hinc liquida perficiantur? Eò probatè difficultius quò videtur probabilius, tantummodò esse vasorum elaterium, quantum præcisè ad eorundem congruam restitutionem requiritur; ex eo patet quod irruens in vasculosos tubulos sanguis, eos sæpè vehementer adeò feriat & dilatat ut varices & aneurismata emergant. Nonne rigidiorum succi arborum inera eorundem tubulos sine attritione absoluntur. Sanguis è venaeductus concresecat, ne concludas nullos ex se interiùs obtinere motus. Nonne arborum succi ad primos atmospheræ contactus in grumosa solent concresecere, tametsi per suos tubulos qui nostrorum elaterio destituuntur perfectam fluiditatem simul & motum fermentativum undequaque spirant; palam etiam & ipsi mulierculis quod validiore conqussatione sanguis dissolvatur, atmospheræ conamina eludat, & putrescat potius quam concresecat, qui per ætris commercia grumositatem contraxit sanguis, modò cum diebus aliquot incumbentis ætris insulibus subtrahas blandoque fineti calore foveas, suam grumositatem sine solidorum concursu deponit & aqueam fluiditatem manifestè acquirit: in demortuis intra paucos omninò dies parcm subit fluiditatem. Quot comoda secum importet vasorum motus oscillatorius non me fugit, vehunt sanguinem vasa, eumque atterere possunt, sed ab ipsis non oriuntur quas subit diversimodas alterationes. Pacatum & quietum ad alimentorum coctionem desideras locum, vix moveri ventriculū diximus. Nunquamne repones? Moletinâ philosophicâ aquæ innatat aurum, Bractearis in lamellas minutissimas pinxit aurum; magna quidem tritu partium integritantum divisio, major à chymico igne, maxima à fermentatione; Cupri granum spiritus salis armoniaci solum caruleum colorem intensum 256806 aqueis communicat partibus, modò quidem minus sensibili eundem colorem 385200 partibus aqueis imperitur: quanta cupri attenuatio, cum partes ipsius singulæ exteutione quibusque partibus aqueis respondeant. Solo aquæ vehiculo quantum expanditur coccinellæ, aut musci Zibetive granum per ætra dispergitur. Quanta vis concessa fermentationi quæ mixta elaborat principiorum unionem, & resolvit eorundem disjunctionem; ipsius ope alimenta in chylum vertuntur, sistentium tritus & structuræ ventriculi adverterat, delusorum ventriculi robur vicinorumque musculorum, coctioni promovendæ inefficaces integrantes ciborum partes. Fermentationem elementorumque existentiam augurabat Medicinæ Princeps, & dilucidè exposuit (a) generari inquit & corrumpi idem est. (b) inest autem in terra & acidum & amarum & dulce & salum & omnigenum (c) & alibi inest in homine & amarum &c. paulò inferius (d) quin & ex cibis quicumque nobis sunt incommodi & ingesti hominem lædunt horum unusquisque aut amarus est & meracius ac immoderatus aut salus aut acidus aut aliusquis immoderatus & sortis. Mentem divi hippocratis enucleatus exposuit ipsius interpres Galenus; (e) ita & in iis, inquit, quæ in ventrem deglutita sunt non postquam in ipso contrita ac soluta fuerint, concocta dicimus, sed quando (velut fermentata quæ concoquuntur) mutationem secundum qualitates adeptæ fuerint. Cum ipsis concludamus,

Ergo alimentorum coctio à fermentatione.
Domini Doctores disputaturi.

M. Joannes - Mathews Le
Ber.

M. Claudius - Antonius Re-
nard.

M. Joannes - Baptista Mo-
gin, Scholarum Professor &
Medicus Regis Ordinarius.
M. Michael Procope Con-
teaux.

M. Nicolaus Le Tellicr.

M. Franciscus Bailly.

M. Petrus Afforty.

M. Andreas Delalcu.

M. Joannes - Claudius Adria-
nus Helvetius Règi à San-
ctioribus Consiliis & Medi-
cus Regis perpetuò Ordina-
rius & à Regia Scientiarum
Academia.

Proponbat Parisiis IUDOVICUS - JOANNES LE THIEULLIER, Lauduncensis,
Baccalaureus Medicus, A. R. S. H. 1722. à sextâ ad meridiem,

J. QUILLAU, Universitatis & Facultatis Medicinæ Typographi.

(a) De Diet.
lib. j. §. vi.
(b) De Nat.
hum. §. xi.
(c) De Veteri
Medicin. §. xxiv.
(d) Ibid. §.
xxv.
(e) Lib. de
consuetud. cap.
20.